



Broj: 06-05-1149/14
Zenica, 05.02.2014.godine

Na osnovu člana 26. stav 1., 4., 29. i 30. stav 2. Zakona o udruženjima i fondacijama („Službene novine Federacije BiH“, broj 45/02), te člana 7. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 13/08 – Prečišćeni tekst), Ministarstvo za pravosuđe i upravu Zeničko-dobojskog kantona, odlučujući po Zahtjevu Udruženja za razvoj i podršku planinarstva i sportskog turizma „VEDRO“, sa sjedištem u Zenici, ulica Zukići broj 22, za upis u Registar udruženja Zeničko-dobojskog kantona, donijelo je slijedeće:

RJEŠENJE

1. Odobrava se upis Udruženju za razvoj i podršku planinarstva i sportskog turizma „VEDRO“ iz Zenice, u Registar udruženja Zeničko-dobojskog kantona.
2. Udruženje je upisano u Registar udruženja Zeničko-dobojskog kantona u knjigu **IX** pod brojem **1953**, dana 05.02.2014.godine.
3. Naziv Udruženja je: Udruženje za razvoj i podršku planinarstva i sportskog turizma „VEDRO“.
4. Skraćeni naziv Udruženja je: Udruženje planinara „VEDRO“.
5. Sjedište Udruženja je: Zenica, ulica Zukići broj 22.
6. Osnovni ciljevi Udruženja su:
 - Popularizacija prirodnih ljepota, zanimljivosti i bogatstva planina i života u njima,
 - Proširivanje saznanja o planinskoj prirodi, razvijanje planinarske aktivnosti u svim oblicima koji predstavljaju neposredni dodir s prirodom putem organiziranog rada tijela i članova udruženja,
 - Organizovanje i stvaranje uslova za razvoj i unapređenje organizovanog rada u svim granama planinarstva, alpinizma, sportskog penjanja, gorskoj službi spašavanja, službe planinarskih vodiča, speleologa, planinske orientacije, planinskog skijanja i svih vrsta rekreativnog sporta i drugih aktivnosti koje su povezane sa planinarstvom,
 - Odgajanje članstva u smislu čuvanja i unapređenja prirode kao općeg bogatstva društva koje ima posebno i šire ekološke značenje, kako sa samim planinama tako i u podnožju i duž vodenih tokova i razvijanje svijesti o zdravom načinu života kroz rekreativni sport,
 - Javno oglašavanje, te propagiranje ekološkog čuvanja i očuvanja skladnog valoriziranja i iskorištavanja planine kao prirodnog i turističko-rekreacionog resursa sa drugim organizacijama i društvenim organima,
 - Razvijanje materijalne osnove planinarstva i privrednih djelatnosti učešćem u osnivanju privrednih subjekata koji doprinose unapređenju planinarskog turizma, kulture planinarstva i rekreativnog sporta,
 - Povezivanje i saradnja sa subjektima fizičke kulture i sporta, stručnim vaspitno-obrazovnim organizacijama i ustanovama u cilju idejno vaspitnog, organizacionog i stručnog ospozobljavanja članstva,
 - Podrška i pomoć u promociji sportskih, turističkih, kulturnih, tradicionalnih, naučnih i intelektualnih vrijednosti bosansko-hercegovačkog društva,
 - Zalaganje za uključivanje sportskog turizma Bosne i Hercegovine u europske i svjetske tokove sportskog turizma i turizma općenito,
 - Zalaganje za unapređenje i omasovljivanje planinarenja i alpinizma,
 - Zalaganje sa unapređenje i promociju planinarskih domova,
 - Promocija bosanskohercegovačkih planina,
 - Zalaganje za planinarske, ekološke, turističke i zimske akcije u Bosni i Hercegovini,
 - Zalaganje sa ekološke projekte koji imaju za cilj unapređenje životne sredine,
 - Zastupanje zajedničkih interesa članova udruženja pred općinskim, gradskim, kantonalnim, entiteskim, državnim i drugim organima i organizacijama,

- Saradnja sa istim ili sličnim organizacijama slične orijentacije u zemlji i inozemstvu,
- Zalaganje za izdavačko-publicističku djelatnost iz oblasti planinarenja, ekologije, sportskog turizma i turizma,
- Uključivanje mladih, koji će na temelju savremenih iskustava i spoznaja educirati aktivisti udruženja,
- Na temelju predhodnog stajališta nastojati uključiti čitave porodice, a prvenstveno mlade,
- Organizovanje i propagiranje posjeta planinara Bosne i Hercegovine, kao i drugih zemalja, organizovanje priprema i stručne obuke planinara, a posebno omladine za trajno bavljenje planinarstvom,
- Putem raznih sekcija, ovisno o afinitetu članstva, razvijati poznate, te nove i atraktivne aktivnosti koje trebaju motivisati, kako postojeće članstvo, tako i potencijalne članove da svrhovito koriste slobodno vrijeme,
- Saradnja sa znanstvenim institucijama i pojedincima radi pronalaženja što svrshishodnijih sadržaja, edukacije članstva i upoznavanja planinskog svijeta, dokazujući time i široj javnosti društveni značaj planinarskog pokreta,
- Pomoć pri organizovanju izleta i obilaska sportsko-turističkih lokaliteta,
- Posvećivanje nužne pažnje promovisanju planinarskog svijeta putem poznatih metoda,
- Čuvanje planinarskih ljepota i prirode od narušavanja njihove autentičnosti,
- Očuvanje i unapređenje ekosistema,
- Markiranje i obilježavanje staza,
- Animiranje i školovanje planinarskog podmlatka,
- Zalaganje sa proširenje izgradnje sportsko-turističkih objekata i pratećih sadržaja,
- Pomoć pri organizaciji humanitarnih akcija za socijalno ugrožene i osobe sa invaliditetom,
- Otvarivanje posebne saradnje sa bezbjedonosnim organima, vatrogasnim službama, zdravstvenim ustanovama, Crvenim križom (krstom), Polumjesecom, Civilnom zaštitom, osiguravajućim društvima i drugim,
- Organizacija tribina, javnih rasprava, seminara i simpozija u svrhu ostvarivanja ciljeva,
- Te drugi ciljevi i djelatnosti koji su u skladu sa Zonom i Statutom.

7. Udruženje će djelovati na području Zeničko-dobojskog kantona.

8. Udruženje zastupa i predstavlja:

- **TALAM NERMIN**, predsjednik udruženja, Zenica,
- **SELIMOVIĆ AMEL**, potpredsjednik udruženja, Zenica,
- **ADILOVIĆ HARIS**, sekretar udruženja, Zenica,
- **ABAZOVIĆ AFAN**, glasnogovornik udruženja, Zenica.

9. Danom upisa u Registar udruženja 05.02.2014.godine, Udruženje za razvoj i podršku planinarstva i sportskog turizma „VEDRO“ iz Zenice, stiče svojstvo pravnog lica.

10. U slučaju nastupanja promjena činjenica koje su upisane u Registar, Udruženje je dužno u skladu sa članom 33. stav 1. Zakona o udruženjima i fondacijama Federacije Bosne i Hercegovine podnijeti ovom Ministarstvu zahtjev za izmjenu i dopunu registracije u roku od 30 dana od dana izvršene promjene.

O b r a z l o ž e n j e

Udruženje za razvoj i podršku planinarstva i sportskog turizma „VEDRO“ iz Zenice, podnijelo je Ministarstvu za pravosuđe i upravu Zeničko-dobojskog kantona Zahtjev za upis u Registar udruženja.

Uz zahtjev su dostavljeni:

- Odluka o osnivanju udruženja,
- Odluka o predstavljanju i zastupanju,
- Popis osnivača,
- Popis članova upravnog tijela,
- Zapisnik sa osnivačke skupštine Udruženja,
- Statut Udruženja.

Kako su ispunjeni uvjeti za upis u Registar propisani Zakonom o udruženjima i fondacijama („Službene novine Federacije BiH“, broj: 45/02) i Pravilnikom o načinu vođenja registra udruženja i fondacija i stranih i međunarodnih nevladinih organizacija („Službene novine Federacije BiH“, broj: 61/02, 8/08 i 78/10), odlučeno je kao u dispozitivu.

Prema odredbi člana 3. Zakona o kantonalnim administrativnim taksama („Službene novine Zeničko-dobojskog kantona“, broj: 13/02 - Prečišćeni tekst) naplaćena je kantonalna administrativna taksa u iznosu 20 KM, u skladu sa tarifnim brojem 22.

PRAVNA POUKA: Protiv ovog Rješenja nije dopuštena žalba, ali se u smislu člana 32 Zakona o udruženjima i fondacijama, može pokrenuti upravni spor pred Kantonalnim sudom u Zenici, u roku od 30 dana od dana prijema istog, putem ovog organa.

Dostavljeno:

- 1x Udruženje za razvoj planinarstva i sportskog turizma „VEDRO“ iz Zenice
- 1x Federalno ministarstvo pravde - Sarajevo
- 1x Ministarstvo za prostorno uređenje, promet i komunikacije i zaštitu okoline
- 1x Evidencija
- 1x a/a

(M)



MINISTRICA

Roman Brkić, dipl. pravnica



Bosna i Hercegovina, Zenica, Kučukovići br. 2
Telefon: 032/244-854 i 244-772; Fax: 032/245-551
e-mail: min.pravosudje@zdk.ba,
www.zdk.ba